



Broj: 04-GV-02-49/19

Datum: 16.01.2019. godine

ZAPISNIK
O RADU 23. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 16.01.2019. GODINE

Prisutni:

1. Enes Husejnović, predsjedavajući Komisije
2. Lana Velić, članica
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član

Odsutni: Sead Srna, zamjenik Predsjedavajućeg

Sjednici je prisustvovala Zinaida Beširević, šef Odsjeka za stručne poslove u Gradskoj službi za Gradsko vijeće.

Sjednici prisustvovao:

- Tarik Zečić, viši stručni saradnik u Gradskoj službi za urbano planiranje, investicijske, stambene i komunalne poslove

Predsjedavajući je otvorio 23. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu 22. sjednice Komisije za spomenike održane 05.12.2018. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Razmatranje Inicijative Općine Novi Grad Sarajevo za uvrštavanje 3 (tri) spomenika na spisak spomenika od značaja za Grad Sarajevo
2. Tekuća pitanja

TAČKA 1.

Razmatranje Inicijative Općine Novi Grad Sarajevo za uvrštavanje 3 (tri) spomenika na spisak spomenika od značaja za Grad Sarajevo

Uvodne napomene je podnio predsjedavajući Komisije za spomenike Enes Husejnović.

U raspravi su učestvovali svi članovi Komisije, a dodatna obrazloženja i odgovore na pitanja je dao Tarik Zečić, viši stručni saradnik u Gradskoj službi za urbano planiranje, investicijske, stambene i komunalne poslove.



Poslije uvodnih napomena, rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmotrila podnesenu inicijativu i konstatira da, u skladu sa poslovničkim odredbama o radu Komisije, te u skladu sa Odlukom o spomenicima od značaja za Grad Sarajevo („Službene novine Kantona Sarajevo“, broj 12/11, 21/16 i 51/18) nema nadležnosti naknadnog uvrštavanja već izgrađenih spomenika na „spisak spomenika od značaja za Grad Sarajevo“.
Procedura proglašenja spomenika od značaja za Grad Sarajevo definirana je Odlukom o spomenicima od značaja za Grad Sarajevo i ona se odnosi na podizanje novih spomenika koji nakon odluke Gradskog vijeća postaju spomenici od značaja za Grad Sarajevo.
2. Komisija za spomenike sugeriše gradonačelniku Grada Sarajeva da na poziv organizatora obilježavanja značajnih događaja i ličnosti na lokacije ova tri spomenika uputi delegaciju Grada Sarajeva, te sugeriše Gradonačelniku da putem nadležne službe Gradske uprave Grada Sarajeva stupi u kontakt sa podnosiocem inicijative u cilju razrješenja svih pitanja.
3. Komisija za spomenike upućuje podnosioca inicijative da u narednom periodu prilikom izgradnje novih spomenika konsultuje Odluku o spomenicima od značaja za Grad Sarajevo, a posebno Elaborat o spomenicima od značaja za Grad Sarajevo, koji se nalazi na zvaničnoj web stranici Grada Sarajeva.

TAČKA 2.

Tekuća pitanja

Tarik Zečić, viši stručni saradnik u Gradskoj službi za urbano planiranje, investicijske, stambene i komunalne poslove je upoznao članove Komisije za spomenike da je u toku utvrđivanje prečišćenog teksta Odluke o spomenicima od značaja za Grad Sarajevo.

ZAPISNIČAR

Zinaida Beširević

PREDSJEDAVALJUĆI KOMISIJE

Enes Husejnović, s.r.